

## TECUM

La via palliativa per a chasa

Il böt da la società chi'd es gnüda fuondada in marz dal 2000 es dad accumpognar ad umans in temps greivs e difficils. Dalander deriva eir il nom da la società TECUM. In latin voul quai dir « cun tai ». La società es politica neutrala e surconfessiunala e rapreschantada bain in tuot il chantun Grischun.

Las accumpognadras e'ls accumpognaders voluntaris regalan lur temp e lur affecziun, e quai uschè inavant cha'ls pertocs giavüschan quai. Lur böt e lur incumbenza es d'accumpognar e da respettar a persunas ferm amaladas e muribundas cun tuot lur esser e cun lur anteriuras istorgias da la vita. Per ellas esi important cha quels umans nu sajan sulets e chi possan viver in dignità fin a la fin. Las accumpognadras e'ls accumpognaders dan a las persunas pertoccas ed a lur confamiliars sgürezza e forza.

Il servezzan es üna cumplettaziun dad otras organisaziuns sco per exaimpel la spitex, las chasas da chüra e'ls ospidals. La respunsabilità per la chüra medicinala resta pro las persunas scoladas. L'accumpognamaint es per tuots pertocs gratuit. La società vain finanziada be cun donaziuns.

**« Pudair s'indurmanzar schi s'es stanguel e laschar crodar ün pais chi s'ha portà lönch, quai es ün fat delizchus e miraculus. »**

*Hermann Hesse*

*Direcziun TECUM*